

Միջազգային գիտական հանրությունը շնորհավորում է ՀՀ ԳԱԱ 70-ամյա հոբելյանը



Հայաստանի գիտությունների ազգային ակադեմիայի հիմնադրման 70-ամյա հոբելյանը նշվեց շուրջով: Տոնակատարության մասնակիցների թվում էին և իրենց շնորհավորանքներն էին բերել Եվրոպական ակադեմիական միության, Ռուսաստանի Դաշնության, Ուկրաինայի, Վրաստանի, Լատվիայի, Լիտվայի, Եստոնիայի, Հոլանդիայի, Մոլդովայի, Տաջիկստանի, Ռումինիայի, Բելառուսի գիտությունների ակադեմիաների պատվիրակությունները:

Հոբելյանի օրերին ՀՀ ԳԱԱ նախագահ, ակադեմիկոս Ռադիկ Մարտիրոսյանի անունով արտերկրների գիտական կենտրոններից ստացվեցին բազմաթիվ շնորհավորանքներ, որոնց մի մասը այսօր կներկայացնենք ընթերցողի ուշադրությանը: Այդ ուղերձներում հատկանշականը ոչ միայն ջերմ, անկեղծ մաղթանքներն էին, այլև, որ շատ կարևոր է՝ Հայաստանի գիտությունների ազգային ակադեմիայի համբավի, միջազգային ճանաչման արձանագրումն ու փաստումը:

Եվ, որպեսզի մեր ասածը մերկապարանոց չհնչի, ընթերցող, կարդացեք ողջոյնի հեռագրերը և լցվեք արժանապատիվ հպարտությամբ՝ մեր ակադեմիայի, նրա վաստակած փառքի համար:

ՄՈՍԿՎԱՅԻՑ

Մեծարգո Ռադիկ Մարտիրոսովիչ

Ամբողջ հոգով շնորհավորում եմ Ձեզ և Հայաստանի Հանրապետության ԳԱԱ ողջ կոլեկտիվին՝ հրաշալի հոբելյանի առթիվ:

70 տարիների ընթացքում Ձեր ակադեմիան անցել է կայացման դժվարին ուղի և դարձել աստղաֆիզիկայի, ճշգրիտ և բնական գիտությունների բնագավառներում աշխարհի առաջատար գիտական դպրոցներից մեկը: Մենք հիշում ենք ակադեմիայի հիմնադիրների անունները՝ Հայաստանի մեծ գավակներ, ակադեմիկոսներ Յ. Ա. Օրբելուն և Վ. Գ. Համբարձումյանին: Ձեր շատ ակնազարկ հայրենակիցներ աշխատում են Ռուսաստանի գիտությունների ակադեմիայի կազմում:

Ես շնորհակալությամբ եմ հիշում սերտ և արդյունավետ համագործակցությունը Հայաստանի գիտությունների ակադեմիայի հետ: Կովկասյան տարածաշրջանում հանքահումքային բազայի, հանրապետությունում սեյսմիկ դիտարկումների ցանցի ստեղծման և, վերջապես, 1988 թվականի ավերիչ երկրաշարժի հետևանքների վերացման գործում: Ուրախությամբ եմ տեղեկանում ներկայումս ՀՀ ԳԱԱ զարգացման հաջողությունների մասին: Ձեր ակադեմիան ԱՊՀ երկրների ակադեմիաների առաջատարներից է, որի դերը համաշխարհային գիտության զարգացման գործում դժվար է գերազանահատել:

Շնորհակալություն Ձեզ հոբելյանական հանդիսություններին մասնակցելու հրավերի համար, սակայն, ավստում եմ, որ չեմ կարող ներկա լինել:

Ձեզ և Հայաստանի բոլոր գիտնականներին մաղթում եմ նոր ուշագրավ հայտնագործություններ և մեծ հաջողություններ՝ կյանքում և աշխատանքում:

Անկեղծորեն Ձեր՝ Ն. Պ. ԼՍՎՅՈՐՈՎ

Ռուսաստանի Դաշնության գիտությունների ակադեմիայի նախագահության անդամ, ՌԳԱ ԱՊՀ երկրների հետ համագործակցության Կորդինացնող խորհրդի նախագահ

ՄՈՍԿՎԱՅԻՑ

Մեծարգո Ռադիկ Մարտիրոսի

Թույլ տվեք Համալսարանների եվրասիական ասոցիացիայի, Մոսկվայի Մ. Վ. Լոմոնոսովի անվան համալսարանի կոլեկտիվի և անձամբ իմ կողմից սրտանց շնորհավորել Ձեզ և հանձնի Ձեզ՝ Հայաստանի Հանրապետության գիտությունների ազգային ակադեմիայի ողջ կոլեկտիվին 70-ամյա հոբելյանի առթիվ:

Դժվար է գերազանահատել Հայաստանի ազգային ակադեմիայի դերը, որը նշանակալի ավանդ է ունեցել երկրի զարգացման, տաղանդավոր գիտնականների բազում սերունդներ դաստիարակելու գործում: Ակադեմիան ոչ միայն զարգացրել է գիտությունը տարածաշրջանում, այլև ամրապնդել է գիտական և մշակութային կապերը ինչպես նախկին միութենական հանրապետությունների, այլև մեր ժամանակների պետությունների միջև՝ խոր հետք թողնելով պատմության էջերում: Հայաստանի գիտությունների ազգային ակադեմիան այսօր էլ ծառայում է աշխարհում մշակութային և առաջընթացի տարածման մեծ գործին:

Բարձր գնահատելով ակադեմիական համագործակցության և գիտական կապերի ընդլայնման գործընթացը, համոզված եմ, որ տարբեր ոլորտներում ռուս և հայ գիտնականների հետագա համատեղ հետազոտությունների զարգացումը կարևոր ոլորտ է դառնալու մեր երկրների համագործակցության կարևոր գործում:

Հավատացնում եմ Ձեզ, որ մոսկվայան համալսարանը միշտ պատրաստ է իր նշանակալի ավանդ ունենալ մեր ընդհանուր նպատակների իրականացման՝ կրթության և գիտության առաջընթացի գործում, և հուսով եմ, որ մեր ակտիվ և արդյունավետ համագործակցությունը պետք է միշտ ծառայի բազմադարյան ավանդույթների, Ռուսաստանի և Հայաստանի ժողովուրդների բարեկամական կապերի ամրապնդմանը:

Այս նշանակալի օրը, թանկագին Ռադիկ Մարտիրոսի, կուզենայի մաղթել Ձեզ նոր հաջողություններ՝ ի փառս հիմնարար գիտելիքների ծաղկման իդեալների, իսկ Հայաստանի գիտությունների ազգային ակադեմիայի կոլեկտիվին՝ նոր նվաճումներ հանում Հայաստանի Հանրապետության գիտության և կրթության:

Խորին հարգանքով՝ անկեղծորեն Ձեր՝ Վ. Ա. ՍԱԴՈՎՆԻՉԻՑ

Մոսկվայի Մ. Վ. Լոմոնոսովի անվան պետական համալսարանի ռեկտոր, ՌԳԱ ակադեմիկոս

ՄՈՍԿՎԱՅԻՑ

Մեծարգո Ռադիկ Մարտիրոսի

Ռուսաստանյան բանկերի ասոցիացիայի և անձամբ իմ կողմից շնորհավորում եմ Ձեզ և Հայաստանի Հանրապետության գիտությունների ազգային ակադեմիայի բոլոր անդամներին հոբելյանի առթիվ:

Ակադեմիայի հիմնադրման 70-ամյակը կարևոր իրադարձություն է Հայաստանի պատմության և գիտնականների կյանքում:

Ձեր և Ձեր գործընկերների ակտիվ և արդյունավետ գործունեության շնորհիվ Հայաստանի գիտությունների ազգային ակադեմիան դարձավ երկրի կարևորագույն կենտրոններից մեկը և արժանի ճանաչում ստացավ միջազգային գիտական հանրության կողմից: Դրա ապացույցն են նաև Հայաստանի գիտությունների ակադեմիայի լայն գիտական կապերը Ռուսաստանի, ԱՄՆ-ի, Գերմանիայի, Ֆրանսիա-

յի, Նիդեռլանդների, Իսրայելի, Իրանի, Մեքսիկայի և ուրիշ երկրների գիտական կենտրոնների հետ:

Ռուսաստանյան բանկերի ասոցիացիան բարձր է գնահատում մեր համագործակցությունը և վստահ է, որ այն պետք է ավելի զարգանա՝ ի շահ Հայաստանի և Ռուսաստանի տնտեսական վերելիքի՝ փորձի փոխանակման և ընդհանուր խնդիրների քննարկման ու դրանց լուծման գիտական ուղիների փնտրտուքի միջոցով:

Այս նշանակալի օրը ուզում եմ Ձեզ և Ձեր բոլոր գործընկերներին մաղթել առողջություն, բարեկեցություն և գիտական նոր սխրանքներ:

Հարգանքներով՝ Գ. Ա. ԹՍՈՒՆՅԱՆ

Ռուսաստանյան բանկերի ասոցիացիայի պրեզիդենտ, ՌԳԱ թղթակից անդամ

ՄԻՋԱԶԳԱՅԻՆ ԳԻՏԱԿԱՆ ՀԱՆՐԱՊԵՏՈՒՆԸ ՇՆՈՐՀԱՎՈՐՈՒՄ Է

ՄՈՍԿՎԱՅԻՑ

Մեծարգո Ռադիկ Մարտիրոսի

Շնորհակալություն Ձեզ՝ Հայաստանի գիտությունների ազգային ակադեմիայի հիմնադրման 70-ամյակին նվիրված հոբելյանական հանդիսություններին մասնակցելու հրավերի համար: Այդ տոնը լայնորեն նշվում է ոչ միայն Հայաստանում, այլև Ռուսաստանում և աշխարհի ուրիշ գիտական տերություններում:

Ռուսաստանի գիտությունների ակադեմիայի անունից շնորհավորում եմ Ձեզ Հայաստանի գիտությունների ազգային ակադեմիայի հրաշալի հոբելյանի առթիվ, ակադեմիայի, որ ծանրակշիռ ավանդ ունի համաշխարհային գիտության զարգացման գործում:

Այս տոնական օրերին ես բավականությամբ եմ հիշում մեր գիտական կապերը, երկար տարիների բարեկամությունը և մեր ու ձեր ակադեմիական ինստիտուտների և գիտնականների արդյունավետ համագործակցությունը հիմնարար և կիրառական գիտությունների ոլորտում:

Բավական է հիշել մեր հաջողությունները Մոսկվայի ռադիոտեխնիկայի և էլեկտրոնիկայի և Աշտարակի ռադիոտեխնիկայի և էլեկտրոնիկայի ինստիտուտների համագործակցության արդյունքում:

Սրտանց մաղթում եմ Ձեզ և ակադեմիայի գիտնականներին երկար տարիների կյանք և գիտական ակնառու հայտնագործություններ՝ ի բարօրություն մեր երկրների և ժողովուրդների:

Յու. Վ. ԳՈՒԼՅԱՆԿ

ՌԳԱ նախագահության անդամ, ՌԳԱ Վ. Ա. Կոտեչնիկովի անվան ռադիոտեխնիկայի և էլեկտրոնիկայի ինստիտուտի տնօրեն, ՌԳԱ ակադեմիկոս

ԻՏԱԼԻԱՅԻՑ

Հարգելի ակադեմիկոս Մարտիրոսյան

Թույլ տվեք նախ շնորհակալություն հայտնել Ձեզ ջերմ հրավերի համար՝ ներկա գտնվելու Երևանում անցկացվող ՀՀ ԳԱԱ 70-ամյակին նվիրված հանդիսություններին: Ցավոք, անհնար էր իմ ներկայությունը, բայց ես շնորհակալ եմ Ձեզ այս հրավերի համար, որը շատ պատվաբեր է: Ես խնդրել եմ պրոֆեսոր Հայկ Հարությունյանին և պրոֆեսոր Ֆելիքս Ահարոնյանին ներկայացնել իմ անձը և ICRA Net-ը այդ տոնական միջոցառումներին փոխանցել իմ ամենաջերմ ողջույններն ու ցանկությունները Ակադեմիայի հետագա բարգավաճմանը՝ Ձեր հմուտ նախագահության ներքո:

Ս.թ. հոկտեմբերի 14-15-ը ես հրատապ հանդիպում ունեի Բրազիլիայում՝ ICRA Net-ի և Բրազիլիայի կառավարության միջև պայմանագրի կնքման առթիվ: Այդ պայմանագրում կներառվի նաև Հայաստանը: Այդ պատճառով ես հնարավորություն ունեմ Երևան ժամանել ավելի ուշ:

Անկեղծ Ձեր՝ Ռեմո ՌՈՒՅՅԻՆԻ ICRA Net-ի տնօրեն

ԻՏԱԼԻԱՅԻՑ (ՎԵՆԵՏԻԿ)

Նախ և առաջ կը փափաքեմ ի սրտ խորին շնորհակալությունս յայտնել Ձեզ այն բացառիկ պատուին համար՝ որով ցանկացիք որ ստորագրեալս լինէր, մեր յարգամեծար և լուսավար Գիտությունների ազգային ակադեմիայի եօթանասնամեակի տօնախմբության պաշտօնական ու պետական հանդեսին, այն որ ուղղորդ մասնակցող պատուական հանրության, ի դիմաց Ակադեմիայի սփռնաքահայ և արտասահմանեան անդամներուն, սրտի խօսքը՝ ողջոյնի և տասնամեակներու վիթխարի վաստակին գնահատանքի ու մեծարանքի: Ձեր այս հրաւերը, արդէն զայն ընդունելու պահուն իսկ, նկատեցի մեծագոյն պատիւ համեստ անձիս, միանգամայն՝ հոգեկան խոր հրճուանքի առիթ:

Արդէն մեծ պատիւ էր ինձ համար նշուիլ Ձեր կողմէ որպէս անդամ՝ սոյն յոբելեանի առթիւ Ակադեմիայի կազմակերպած «Հայագիտութիւնը և արդի ժամանակաշրջանի մարտահրաւերները» խորագրով Հայագիտական միջազգային երկրորդ համաժողովի ծրագրային յանձնաժողովի կազմին: Ներկայ հրաւերը սակայն նոր և լրջագոյն պատասխանատութիւն մը կ'աւելացնէ՝ այնու որ ամբողջ տարաշխարհի մը ներկայացուցչական հանգամանքը պիտի զգենուր, եթէ կարենայի գալ, իմ սակաւամասնեայ դոյզն խօսքը:

Շատ անկեղծ պիտի ըսեմ, որ՝ երբ 1994-ի այլեւս այդ հեռաւոր տարին ստացայ ՀՀ ԳԱԱ-ի անդամակցութեան հրաւերը, զայն նկատեցի անվարան կեանքիս պատուարար մեծագոյն կոչումներէն մին և զիս գրեթէ կքած զգացի այդ կոչումին գիտական, իմացալուսաւորչական բարձրաբերձ կաղնիներով անտառացած լեռնացող կատարներուն ներքեւ:

Ինչպէ՞ս կարելի էր այլապէս զգալ կամ խորհիլ, երբ այդ ընտրութիւնը քեզ դասակից կը կարգէ տիտաններու հոյլի մը, որպիսիներն են՝ սկսեալ անմահ հիմադիրներ Յովսէփ Օրբելիէ և Վիկտոր Համբարձումեանէ՝ այն անհամար հսկաները, որոնցմէ արտօնեցեք որ յիշեմ գոնէ միայն մի քանին, որոնք ուսումնամասնագիտական և յատկապէս հայագիտական ասպարէզիս բերմամբ, ինձ համար իդէալական աշխարհ մը բնութագրած են՝ Մալխասեանցներ, Մանանդեաններ, Աճառեաններ, Աբեղեաններ, Ղարիբեաններ, Խաչիկեաններ, Իսահակեաններ, Դեմիրճեաններ, Սիրարփի Տէր Ներսէսեաններ, որոնց նմաններուն առանձնապէս յիշումը անձայր շղթայ մը պիտի դրուագէր:

Ահա՛ թէ ինչու անողոք ցաւ կը զգամ՝ պարտաւորուելով յայտնել Ձեզի որ, դժբախտաբար, առողջական անբարեբաստիկ իրադրութեան մը բերմամբ, պիտի չկարենամ անձամբ մասնակցիլ յիշեալ պատմական միջոցառումին: Կը յուսամ որ պիտի հասկացողութեամբ ընկալէք այս անհաճոյ պարագան և ներողամտութեամբ դիմաւորէք բոլորովին ակամայ բացակայութիւնս:

Պիտի չուզի, սակայն, փակել այս տողերս առանց յիշելու դէպք մը, որ կեանքիս ամենէն տպաւորիչ և անմոռանալի մէկ դրուագը նշած է: Մուրատ-Ռաֆայելեան վարժարանի տեսուչն էի, թուական էր 1983: Օր մը, համալսարանի առաջին աշակերտուհիներս մին զանգեց՝ խնդրելով որ կէս ժամ տրամադրեմ իր

մէկ ընկերոջը: Ի՞նչ բանի բերմամբ՝ հարցուցի: Հայաստան պիտի երթայ, ըսաւ, կ'ուզէ որոշ տեղեկութիւններ ստանալ: Հրամայեց՝ ք այս իրիկուն, պատասխանեցի, միասին կ'ընթերնք և կը խօսիմք: Երեկոյեան եկան իրենք: Քսանաճեայ, քիչ մը քաշուող նկարագրով երիտասարդ մ'էր դիմացս նստողը, որուն անունը հաւանօրէն ծանօթ ըլլայ բաւական անծերու, որ միջոցառմանը ներկայ պիտի գտնուին՝ Մասսիմո Տուրատտո, այսօր Եւրոպայի երկրորդ հնագոյն համալսարան և համաշխարհային գիտութեան ամենէն փառազարդ կաճառներէն Պատվայի համալսարանին դասախօս, Ազիագոյի աստղադիտարանին աւագ գիտաշխատող և Իտալիոյ լաւագոյն աստղագէտներու կարգին: Նա աւարտեք էր Պատվայի համալսարանին աստղագիտական մասնաճիւղը գերագանց նիշերով և կրթաթոշակ ստացեք էր Իտալիոյ կառավարութենէն գալու Հայաստան, կատարելագործելու համար իր գիտելիքները: Ես գրեթէ չփոթած, յուզուած, խորապէս զգացուած էի այս երեւոյթին առջեւ: Մտանք սեղանատուն: Այն ժամանակ վարժարանը ունէր իննսունէօթը աշակերտ: Սեղանատան փոքրիկ զանգով մի պահ լռութիւն խնդրեցի և խօսքս աշակերտներուն ուղղելով ըսի. Տղա՛ք, կը տեսնէ՞ք այս երիտասարդը: Ձաւակն է ժողովուրդի մը, որ տուած է մարդկութեան՝ գիտութեան, գրականութեան, արուեստի բոլոր բնագաւառներուն մէջ մեծագոյն հանճարները՝ որակով ու քանակով, տուած է մանաւանդ Վերածնունդը, մարդկային ուղեղի այդ հրաշք երեւոյթ-դարաշրջանին՝ մարդու տարողութեան չափով՝ առաւել աստուածամերձ ստեղծագործութիւնները: Այս երիտասարդը, Մասսիմոն, աւարտած է աշխարհի ամենէն հռչակաւոր համալսարաններէն մէկը՝ Պատվայի համալսարանին աստղագիտութեան ճիւղը գերագանց նիշերով և հիմա, զարգացնելու համար իր գիտելիքները, ժամանակակից գիտութեան այս ամենէն բարդ և խրթին բնագաւառներէն մէկուն մէջ, Իտալիոյ կառավարութիւնը զինք կը դրկէ Հայաստան և ո՛չ թէ Գերմանիա կամ Ամերիկա: Հայաստան՝ այն երկիրը, որու ժողովուրդը դեռ ո՛չ իսկ եօթ տասնամեակ առաջ անէացման սեմին էր հասեր և այսօր փիւնիկի նման յարութիւն առած է մահուան մոխիրէն ու թմբիւնէն և ահա կը մրցի, մերթ գերագանցելով, բայց միշտ բարձրաճակատ, աշխարհի ամենէն յառաջատար երկիրներուն հետ:

Ահա՛, յարգելի և սիրելի Տիար Մախագահ, ա՛յս եղած է և է՝ ինձ համար ՀՀ գիտութիւնների ազգային ակադեմիան, իր գիտական նուաճումներով երբեք բաւարարապէս գնահատելի՛ լոյսի այս տաճարը, միտքերու ակուքը: Սրտի ցաւով պէտք է նշեմ որ եղաւ ժամանակ, ու բաւական մերձաւոր, երբ մարդիկ խօսեցան՝ գրեթէ բանդագուշային եզրերով՝ զայն վերացնելու կամ «քանդելու» մասին: Փա՛ռք Աստուծոյ, որ Ակադեմիան մնաց կանգուն և անվեհեր: Անշո՛ւշտ, չկայ հաստատութիւն կամ հիմնարկ՝ որ ժամանակով չունենայ մաշուածքներ, հիւժումներ: Հարցին լուծումը այն չէ սակայն՝ որ վերացուի կամ քանդուի, այլ որ վերանորոգուի, բարենորոգուի, բարեշրջուի, մէկ խօսքով գտնէ իր երիտասարդութեան, իր այդ սխրալի հասակին կենսունակութիւնը, աշխոյժն ու աւիւնը, ստեղծարարութիւնը:

Ահա՛, այս իղծերով, այս տեսլաւացքով է որ կը շնորհաւորեմ, յարգելի և սիրելի Տիար Մախագահ, մեր լուսապսակ Ակադեմիային եօթանասնամեայ աւիքը, մաղթելով և աղօթելով ի սրտ՝ որ այդ թիւը բազմանայ անսպառ, տասնապատկուի, ինչո՞ւ չէ՛ բազմապատկուի առանց թուասահմանի, ընկերակցելով, ուղիները հարթելով, առաջնորդելով մի՛շտ և յաւերժ հայ ժողովուրդին գիտական նուաճումները: Թող մեր Ակադեմիան դառնայ մնայուն խորհրդանիշը՝ ալեհեր Նահապետին պարմանաշունչ կոչին՝

Ծագէ՛ հայ հանճար, իմանան ազգեր, թէ՛Հայք չեն անցեր:
Կ'օգտուիմ այս հաճելի, բայց միանգամայն՝ բացակայութեանս պատճառով՝ ինձ համար շատ ցաւալի առիթէն, կրկնելու Ձեզի յարգանացս հաւաստիքը և Ակադեմիայի բոլոր սիրելի և թանկագին անդամներուն, գիտաշխատողներուն և բովանդակ աշխատաւոր կազմին՝ գործընկերային ու բարեկամական ջերմագոյն ողջոյնս, միացած լաւագոյն մաղթանքներուս:

Ձերդ՝ Գ. Լևոն ՁԵՔԻՆՍ

ԴՈՆԻ ՌՈՍՏՈՎԻՑ

ՀՀ գիտությունների ազգային ակադեմիայի նախագահ, ակադեմիկոս Ռադիկ Մարտիրոսյանին

Հարգարժան Ռադիկ Մարտիրոսի,
Ռուսաստանի Դաշնության Հարավային և Հյուսիսկովկասյան Դաշնային տարածաշրջաններում Հայաստանի Հանրապետության գլխավոր հյուպատոսության և անձամբ իմ անունից շնորհավորում եմ Ձեզ Հայաստանի Հանրապետության գիտությունների ազգային ակադեմիայի կազմավորման 70-ամյակի առթիվ:
Հայաստանի Հանրապետության գիտությունների ազգային ակադեմիան 1943 թվականից իր մեծ պատմական դերն ունի որպես գիտակրթական կենտրոն, որի բարձրակարգ կադրերը մշտապես իրենց տեղն են գտնում տարբեր բնագավառներում Հայաստանում և նրա սահմաններից դուրս: Ակադեմիան պետության համար բարդ տարիներին կարողացել է իր աշխատանքի շնորհիվ համաշխարհային ճանաչում ստանալ և դաստիարակել աշխարհառաջնակի գիտնականներ:

Կուզենայի ողջունել և առանձնահատուկ նշել ակադեմիայի համատեղ գործունեությունը Ռուսաստանի Դաշնության հարավային գիտական կենտրոնի հետ:

Կրկին անգամ շնորհավորում եմ Ձեզ, Հայաստանի Հանրապետության գիտությունների ազգային ակադեմիայի ակադեմիկոսներին, ինստիտուտների տնօրեններին, ողջ անձնակազմին, մաղթում Ձեր գործում նորանոր հաջողություններ և ամենայն բարիք:

Հարգանքով և լավագույն ցանկություններով՝ Ա. ԳՈՍՅԱՆ
Գլխավոր հյուպատոս

ՄԻՋԱԶԳԱՅԻՆ ԳԻՏԱԿԱՆ ՀԱՆՐԱԴՅՈՒՄԻՆԵ ԸՆՈՐՀԱՎՈՐՈՒՄ Է

Մեծարգո Ռադիկ Մարտիրոսի

ՀՀ կրթության և գիտության նախարարության գիտության պետական կոմիտեի և իմ անունից ջերմորեն շնորհավորում եմ Ձեզ՝ Հայաստանի Հանրապետության գիտությունների ազգային ակադեմիայի 70-ամյակի առթիվ:

Այս հոբելյանը հանդիսավորապես նշելը նպատակ ունի ոչ միայն իմաստավորելու Ակադեմիայի անցած ուղին, ամփոփելու նրա գիտական ծանրակշիռ նվաճումներն ու անուրանալի ներդրումը ոչ միայն Հայաստանի և համաշխարհային գիտության մեջ, այլև նախանշելու հետագա անելիքները, քննարկելու նոր գիտական գաղափարներ ու ծրագրեր:

Իր կենսագրության 70 տարիների ընթացքում Հայաստանի Հանրապետության գիտությունների ազգային ակադեմիան հսկայական ծանապարհ է անցել: Ակադեմիայի ինստիտուտներում գիտության բոլոր կարևորագույն ուղղություններով կատարված հիմնարար և կիրառական հետազոտությունները Հայաստանի գիտությանը բերել են համաշխարհային հռչակ:

Մեծ է Ակադեմիայի վաստակը երիտասարդ մտավորականներ աճեցնելու, գիտնականների նոր սերնդի մեջ կրթության ու գիտության հանդեպ սեր ու նվիրվածություն սերմանելու շնորհակալ գործուն:

Վստահ եմ, որ համատեղ ջանքերի և հետևողական աշխատանքի շնորհիվ կհաջողվի ոչ միայն պահպանել հայ գիտնականների բարձր վարկանիշը, այլև գիտությունը դարձնել Հայաստանի զարգացման կարևորագույն գործոն:

Բարձր գնահատելով Գիտությունների ազգային ակադեմիայի ավանդը Հայաստանում ոչ միայն գիտության զարգացման ասպարեզում, այլև հասարակական կյանքում, մեկ անգամ ևս շնորհավորում եմ ՀՀ գիտությունների ազգային ակադեմիայի վաստակաշատ կոլեկտիվին, ցանկանում եմ անսահման եռանդ, բեղմնավոր աշխատանք, գիտական նորանոր նվաճումներ, առողջություն և բարօրություն:

Սամվել ՀԱՐՈՒԹՅՈՒՆՅԱՆ

ՀՀ ԿԳ նախարարության գիտության պետական կոմիտեի նախագահ

ԲՈՒԼՂԱՐԻԱՅԻՑ

Հարգելի ակադեմիկոս Մարտիրոսյան,

Ես հպարտ եմ ՀՀ ԳԱԱ-ի հիմնադրման 70-ամյակի տարեդարձին մասնակցելու հրավերի համար: Ցավոք սրտի ես պետք է մերժեմ իմ այցը Հայաստան, դա պայմանավորված է չնախատեսված գործերով, և ես անկեղծորեն ցավում եմ, որ չեմ կարող մասնակցել հանդիսություններին:

Բուլղարիայի ԳԱ-ի անունից ցանկանում եմ հավաստիացնել Ձեզ, որ մենք բարձր ենք գնահատում համագործակցությունը ՀՀ ԳԱԱ-ի հետ: Ես հույս ունեմ, որ մեր գիտական հարաբերությունները կհամագեցնեն հետագա զարգացման և համատեղ աշխատանքների փոխադարձ հետաքրքրության:

Ես ակնկալում եմ մեկ այլ առիթ՝ խթանելու ավելի սերտ համագործակցություն մեր երկու ակադեմիաների միջև:

Անկեղծ Ձեր՝ Ստեֆան ՎՈՂԵՆԻՉԱՐՈՎ
Բուլղարիայի ԳԱ նախագահ

ՍԵՐԲԻԱՅԻՑ

Հարգելի ակադեմիկոս Մարտիրոսյան,

Սերբիայի գիտությունների և արվեստի ակադեմիայի և իմ անունից, կուզե՞նամ շնորհավորել ՀՀ ԳԱԱ-ի հիմնադրման 70-ամյա տարեդարձը:

Շնորհիվ ավելի վաղ ծրագրված պարտավորությունների չկարողացա ներկա լինել արարողությանը: Ցանկանում եմ փոխանցել մեր լավագույն ցանկությունները հաճելի տոնի մեծ իրադարձության կապակցությամբ: Ես համոզված եմ, որ ՀՀ ԳԱԱ-ն կշարունակի իր արդյունավետ աշխատանքը առաջիկա տարիներին:

Թույլ տվեք, հարգելի պարոն նախագահ, այս կապակցությամբ հայտնել իմ բարձր վստահությունը:

Անկեղծ Ձեր՝ Նիկոլա ՀԱՅՂԻՆ
Սերբիայի ԳԱ նախագահ

ԱՎԱՏՐԻԱՅԻՑ

Հարգելի ակադեմիկոս Մարտիրոսյան,

Ավստրիայի գիտությունների ակադեմիայի նախագահող հանձնաժողովի և իմ անունից շնորհակալություն եմ հայտնում Ձեր շնորհավորանքների և բարի մաղթանքների համար:

Ես հպարտ եմ ինձ ուղարկած ՀՀ ԳԱԱ-ի հրավերի համար, բայց, ցավոք, առաջիկա ամիսների իմ խիստ զբաղվածության պատճառով իմ այցը հնարավոր չէ:

Այնուամենայնիվ, ես ակնկալում եմ արդյունավետ համագործակցություն մեր ակադեմիաների միջև:

Անկեղծ Ձեր՝ Անտոն ՉԵՅԼԻՆԳԵՐ
Ավստրիայի ԳԱ նախագահ

ՈՒՋԲԵԿՍՏԱՆԻՑ

Մեծարգո Ռադիկ Մարտիրոսի

Թույլ տվեք Ուզբեկստանի Հանրապետության գիտությունների ակադեմիայի անունից ջերմորեն շնորհավորել Ձեզ և հանձնել Ձեզ Հայաստանի ազգային ակադեմիայի ողջ կոլեկտիվին փառապանծ հոբելյանի Հայաստանի գիտությունների ակադեմիայի 70-ամյա տարելիցի առթիվ:

Ձեր գիտնականները արժանի ներդրում ունեն համաշխարհային գիտության գանձարանում: Միջազգային ծանաչում ունեցան ակադեմիայի հեղինակավոր գիտական դպրոցների ներկայացուցիչների, աստղագետների, մաթեմատիկոսների, ֆիզիկոսների, արևելագետների, արվեստաբանների, ազգագրագետների, ինչպես նաև Մատենադարանի հին ձեռագրերը հետազոտող և պահպանող գիտնականների ակնառու նվաճումները:

Թույլ տվեք մեկ անգամ ևս սրտանց շնորհավորել Ձեզ՝ Ակադեմիայի նշանակալի հոբելյանի առիթով, շնորհակալություն հայտնել Հայաստանի ազգային ակադեմիայի 70-ամյակին նվիրված հանդիսավոր միջոցառումներին մասնակցելու հրավերի համար:

Ընդունեցեք մեր սրտագին մաղթանքները՝ հանուն ժողովրդի բարօրության գիտության անշեղ զարգացման, ինչպես նաև քաջառողջություն, երջանկություն, բարեկեցություն, ստեղծագործական նոր հաջողություններ, իսկ Հայաստանի գիտությունների ազգային ակադեմիայի ողջ կոլեկտիվին՝ բոլորովին ծաղկում:

Շ. Ի. ՍԱԼԻՒՆՈՎ

Ակադեմիկոս, Ուզբեկստանի Հանրապետության գիտությունների ակադեմիայի պրեզիդենտ

ՂՐՂՁՍԱՆԻՑ

Մեծարգո Ռադիկ Մարտիրոսի,

Ուզում եմ շնորհակալություն հայտնել Հայաստանի գիտությունների ազգային ակադեմիայի 70-ամյակին նվիրված հանդիսություններին հրավիրելու համար: Ափսոսանքով հայտնում եմ, որ չեմ կարող անձամբ մասնակցել տոնական միջոցառումներին:

Միաժամանակ ուզում եմ հույս հայտնել, որ գիտության և կրթության ոլորտներում համագործակցությունը Ղրղզստանի Հանրապետության և Հայաստանի միջև պետք է առաջընթաց զարգացում ունենա, քանի որ այն հիմնված է մեր երկու ժողովուրդների պատմական կապերի վրա, որոնք սերտորեն միահյուսվել են և բռնել ժամանակի քննությունը:

Անկեղծորեն ցանկանում եմ Ձեզ, հարգելի Ռադիկ Մարտիրոսի, ամուր առողջություն և բարիք:

Հարգանքներով՝ Ա. ԷՐԿԵՐԱԵՎ

Ակադեմիկոս, Ղրղզստանի գիտությունների ազգային ակադեմիայի պրեզիդենտ

ՄՈՍԿՎԱՅԻՑ

Մեծարգո Ռադիկ Մարտիրոսյան

Ռուսաստանի կրթության ակադեմիան սրտանց շնորհավորում է Ձեր ղեկավարած Ակադեմիայի հիմնադրման 70-ամյակի առթիվ: Համոզված ենք, որ Հայաստանի Ազգային ակադեմիան այսուհետ ևս ծանրակշիռ ավանդ կունենա Հայաստանի Հանրապետության գիտության զարգացման, տարբեր երկրների գիտական կազմակերպությունների հետ միջազգային համագործակցության ամրապնդման գործում՝ պահպանելով և բազմապատկելով անցած տասնամյակներում կուտակված ձեռքբերումները:

Ակադեմիայի անդամներին, բոլոր աշխատակիցներին մաղթում ենք ստեղծագործական նոր հաջողություններ, անսպառ եռանդ, ամուր առողջություն և բարեկեցություն:

Ափսոսում եմ, որ չեմ կարող անձամբ մասնակցել հանդիսություններին:

Ք. Պ. ՍԱՐՏԻՐՈՍՅԱՆ

Ռուսաստանի կրթության ակադեմիայի պրեզիդենտի պաշտոնակատար

Հարգելի ակադեմիկոս Մարտիրոսյան,

Շնորհավորում եմ ՀՀ ԳԱԱ հիմնադրման 70-ամյա հոբելյանը: Ես շնորհակալ եմ ՀՀ ԳԱԱ հիմնադրմանը նվիրված հանդիսություններին մասնակցելու հրավերի համար, բայց ցավոք ես չեմ կարող մասնակցել: Ես գտնվելու եմ Շոտլանդիայում՝ բարեգործությունների համար կարնեգի մեդալով պարգևատրմանը: Հայցում եմ Ձեր ներողամտությունը:

Ձեր՝ Վարդան ԳՐԻԳՈՐՅԱՆ

Allea-ի փոխնախագահի այցը ՀՀ գիտությունների ազգային ակադեմիայի 70-ամյակի տոնակատարություններին

Այս վերտառությամբ հոկտեմբերին տեղեկատվություն է հրապարակվել Allea-ի պաշտոնական հանդեսում

2013 թվականի հոկտեմբերի 15-16-ը երևանում ՀՀ ԳԱԱ-ն տոնում էր իր 70-ամյակը, որը Allea-ի անդամ է 2013 թ. ապրիլից:

Բարձր մակարդակի հանդիպմանը ՀՀ ԳԱԱ նախագահ Ռադիկ Մարտիրոսյանի հետ ներկա էին պրոֆեսոր Նուռուլ և բազմաթիվ ակադեմիաների պատվիրակություններ: Ի թիվս այլ հարցերի քննարկվեցին Հայաստանում գիտության առաջընթացը, ռազմավարությունները խրախուսելու և երիտասարդ հետազոտողների գիտական աճի և հնարավորությունների բարձրացման հարցերը:

Հաջորդիվ, ՀՀ վարչապետ Տիգրան Սարգսյանը կատարեց ցուցահանդեսի բացման արարողությունը:

ՀՀ ԳԱԱ 70-ամյակին նվիրված հանդիսավոր միտումն էլույթ ունեցավ նաև Allea-ի փոխնախագահը. նա կարևորեց ՀՀ գիտությունների ազգային ակադեմիայի պատմությունը ու նրա փայլուն գիտնականների և հետազոտողների դերը: Նա ներկայացրեց գիտության քաղաքականությունը՝ կարևորելով երիտասարդ հետազոտողների և գիտնականների միջազգային գիտական փոխանակումը, որը և կխթանի գիտության հետագա զարգացումը:

Չեղանկա միջոցառումների ընթացքում հրավիրված ակադեմիաների պատվիրակությունները ՀՀ նախագահ Սերժ Սարգսյանի հետ քննարկեցին ինչպես խթանել միջազգային համագործակցությունը՝ հատկապես գիտության և հետազոտությունների ոլորտում: Կրկին անգամ կարևորվեց երիտասարդ գիտնականների ապագան: Այս մասնակիցները պատիվ ունեցան հանդիպելու գերաշնորհ Կաթողիկոս Գարեգին II-ի հետ, ով հայ ժողովրդի հոգևոր առաջնորդն է, նրա նստավայրը էջմիածինում է: